



O'ZBEKISTON RESPUBLIKASI XALQ TA'LIM VAZIRLIGI O'ZBEKISTON YOSHLAR ITTIFOQI MARKAZIY KENGASHINING QARORI

O'zbekiston yoshlar ittifoqining umumiy o'rta ta'lismuassasalaridagi boshlang'ich tashkilotlari faoliyati samaradorligini oshirish va takomillashtirish to'g'risida

O'zbekiston Respublikasi Prezidentining "Yoshlarga oid davlat siyosati samaradorligini oshirish va O'zbekiston yoshlar ittifoqi faoliyatini qo'llab-quvvatlash to'g'risida" 2017-yil 5-iyuldaggi PF-5106-son Farmoni, "O'zbekiston yoshlar ittifoqi faoliyatini takomillashtirishga doir kompleks chora-tadbirlar to'g'risida" 2017-yil 18-iyuldaggi PQ-3138-sonli qarori, shuningdek, O'zbekiston Respublikasi Prezidenti Sh.M.Mirziyoyevning 2020-yil 29-may kuni Zangiota va Sergeli tumanlariga tashrifi davomida berilgan topshiriqlar hamda Sergeli tumanida jamoatchilik vakillari bilan o'tkazilgan uchrashuvining 40-sonli bayoniga muvofiq O'zbekiston Respublikasi Xalq ta'limi vazirligi hamda O'zbekiston yoshlar ittifoqi Markaziy Kengashi **qaror qiladi**:

1. 2017-2018-o'quv yilidan boshlab respublikadagi barcha umumiy o'rta ta'lismuassasalarida O'zbekiston yoshlar ittifoqining boshlang'ich tashkilotlari faoliyati tashkil etilganligi hamda barcha ta'lismuassasalarida 1 nafar "yoshlar yetakchisi" shtat birligi joriy etilganligi inobatga olinsin.

2. 2020-2021-o'quv yilidan boshlab O'zbekiston yoshlar ittifoqining umumiy o'rta ta'lismuassasalaridagi boshlang'ich tashkilotlari faoliyati samaradorligini oshirish va takomillashtirish choralar ko'rilsin.

Yoshlar yetakchisining asosiy faoliyat yo'nalishlari qatoriga o'quvchi-yoshlarning maktabdan tashqari ta'lmini tashkil etish va kasb-hunarga yo'naltirish vazifasi kiritilsin.

Yoshlar yetakchisiga ixtiyoriy ravishda (oliy pedagogik ma'lumotga ega) 0,25 stavkadan oshmagan tartibda mutaxassisligi bo'yicha o'qituvchilik faoliyati bilan shug'ullanish uchun ruxsat berilsin.

Yoshlar yetakchisiga o'z faoliyat yo'nalishi bo'yicha yuqori samaradorlik va yutuqlarga erishgan hollarda ta'lismuassasasi rahbarining asosli yozma murojaati asosida Kuzatuv kengashining roziligi bilan umumiy o'rta ta'lismuassasining budjetdan tashqari jamg'armasi mablag'lari hisobidan mukofot berish hamda direktor jamg'armasi mablag'lari hisobidan mukofot va zaruriy hollarda moddiy yordam ajratish tavsiya etilsin.

3. Quyidagilar:

O'zbekiston yoshlar ittifoqining umumiy o'rta ta'lismuassasalaridagi boshlang'ich tashkilotlari to'g'risidagi nizom (yangi tahrirda) 1-ilovaga muvofiq;

O'zbekiston yoshlar ittifoqining umumiy o'rta ta'lismuassasalaridagi

boshlang‘ich tashkilotlari tashkiliy tuzilmasi 2-ilovaga muvofiq;

O‘zbekiston yoshlar ittifoqining umumiy o‘rta ta’lim muassasalaridagi boshlang‘ich tashkilotlari faoliyatini muvofiqlashtirish bo‘yicha respublika ishchi guruhi (keyingi o‘rinlarda “respublika ishchi guruhi” deb yuritiladi) tarkibi 3-ilovaga muvofiq tasdiqlansin.

4. Respublika ishchi guruhi:

boshlang‘ich tashkilotlar faoliyati samaradorligini oshirish va takomillashtirish bo‘yicha uslubiy hamda amaliy ko‘mak berib borsin;

boshlang‘ich tashkilotlar faoliyatini o‘rganib, aniqlangan muammo va kamchiliklarni bartaraf etish yuzasidan Yoshlar masalalari bo‘yicha hududiy va respublika idoralararo kengashlari yig‘ilishlari, O‘zbekiston Respublikasi Xalq ta’limi vazirligining Hay’at yig‘ilishi hamda O‘zbekiston yoshlar ittifoqining Kengash yig‘ilishlariga takliflarini kiritsin;

o‘quv yili davomida vazirlik, idora va tashkilotlar bilan hamkorlikda umumiy o‘rta ta’lim muassasalari o‘quvchilari o‘rtasida o‘tkaziladigan ko‘rik-tanlov va musobaqalarning umumiy ro‘yxatini shakllantirsin hamda mazkur ro‘yxat asosida o‘tkaziladigan tanlov va musobaqalardagi o‘quvchi yoshlarning ishtiroki va erishgan yutuqlarini ta’lim muassasalari faoliyatini baholash ko‘rsatkichlarida hisobga olinishini tegishli hujjatlarga kiritish choralarini ko‘rsin;

tashabbuskor, islohotlarni amalga oshirishda haqiqiy jonbozlik ko‘rsatadigan har tomonlama munosib boshlang‘ich tashkilotlar yetakchilarini rag‘batlantirish choralarini ko‘rsin hamda rahbarlik lavozimlari va davlat mukofotlariga tavsiya etsin.

5. Qoraqalpog‘iston Respublikasi Xalq ta’limi vazirligi, Toshkent shahar xalq ta’limi bosh boshqarmasi va viloyatlar xalq ta’limi boshqarmalari, O‘zbekiston yoshlar ittifoqining hududiy Kengashlari:

mazkur qaror bilan tasdiqlangan nizom va tashkiliy tuzilma asosida boshlang‘ich tashkilotlar faoliyatini takomillashtirish bo‘yicha tegishli chora-tadbirlarni belgilasin hamda boshlang‘ich tashkilotlar faoliyati uchun shart-sharoitlarni yaratish choralarini ko‘rsin;

har bir tuman (shahar) miqyosida 3 (uch) tadan namunali boshlang‘ich tashkilotlar faoliyatini yo‘lga qo‘ysin va ularning tajribasini boshqa umumiy o‘rta ta’lim muassasalariga ommalashtirsin;

haftaning chorshanba kuni (har oyning birinchi, ikkinchi, uchinchi haftalarida tuman (shahar) darajasida, to‘rtinchi haftasida Qoraqalpog‘iston Respublikasi, viloyatlar va Toshkent shahri darajasida) boshlang‘ich tashkilotlar yoshlar yetakchilarining malakaviy o‘quv-seminarlarini tashkil etsin;

boshlang‘ich tashkilotlar yoshlar yetakchilarini o‘rnatilgan tartibda umumiy o‘rta ta’lim muassasalari direktori o‘rinbosari lavozimlari kadrlar zahirasiga kiritish choralarini ko‘rsin.

7. O‘zbekiston Respublikasi Xalq ta’limi vazirligi va O‘zbekiston yoshlar ittifoqi Markaziy Kengashining “O‘zbekiston yoshlar ittifoqining umumiy o‘rta ta’lim muassasalaridagi boshlang‘ich tashkilotlari faoliyatini tashkil etish to‘g‘risida” 2017-yil 7-avgustdagi 41- va 3 QQ-son hamda “O‘zbekiston yoshlar ittifoqining umumiy o‘rta ta’lim muassasalaridagi boshlang‘ich tashkilotlari faoliyatini tashkil etish to‘g‘risida”gi qarorga o‘zgartirishlar kiritish haqida” 2017-yil 15-sentabrdagi 49- va 51 QQ-son qarorlari o‘z kuchini yo‘qotgan deb hisoblansin.

8. Mazkur qaror O'zbekiston Respublikasi Bandlik va mehnat munosabatlari vazirligi bilan kelishilgan.

9. Mazkur qaror imzolangan kundan e'tiboran kuchga kiradi.

O'zbekiston Respublikasi
Xalq ta'limi vaziri

Toshkent sh.,
2020-yil "16"-sentabr
38 Q9 -son



Sh.Shermatov

O'zbekiston yoshlar ittifoqi
Markaziy Kengashi raisi

Toshkent sh.,
2020-yil "16"-sentabr
66 Q9 -son



A.Jumaboyev

O'zbekiston Respublikasi
Bandlik va mehnat
munosabatlari vaziri

Toshkent sh.,
2020-yil "16"-sentabr



N.Xusanov

Kelishilgan: